


बच्चन के ले बाइबिल  
देत है

यीशु ने अंधे कौ ठीक करो



द्वारा लिखत: Edward Hughes

द्वारा चित्र: Janie Forest  
Alastair Paterson


द्वारा अनुकूल: Ruth Klassen

द्वारा अनुवाद करो गयो:


द्वारा बनाओ: Bible for Children  
[www.M1914.org](http://www.M1914.org)

©2024 Bible for Children, Inc.  
लाइसेंस: तुमई जा कहानी को पात्रिका या छापन को अधिकार है,  
जब तक तुम जाई बेचत नाइ हो।

बरतिमाई एकु अंधो आदमी हतो, यरीहों के तीर सड़क के किनारे  
बइठो हतो। वउ भीख माँगति हतो। जब दयालु लोग हुंआ से निकत  
हते तब बाई एकु सिक्का या रोटी को टुकड़ा दइ देत हते। बरतिमाई  
काम नाइ करि सकति हतो क्योंकि वउ एकु अंधो आदमी हतो। वउ  
केवल भीखइ मांगि सकति हतो।




एक दिन, राजमार्ग बहुत व्यस्त हतो। बरतिमाई ने बहुत पाइन की आवाज सुनी। कुछ ता खास हुई रहो हतो। जल्दई अंधो आदमी जानि गओ कि हुआ का होति हतो। नासरत के यीशु शहर मा हतो। भीड़ की भीड़ यीशु कौ देखन, अउरु उनकी सुनन के लै जमा भै।




3

बरतिमाई ने काहे पुकारो?  
“यीशु, दाऊद की सन्तान, हम पर दया करउ” बाने काहे सोची कि यीशु बाकी मदति करि सकति हंड? शायद बाने सुनी हती, कि कइसे यीशु ने दूसरेन कौ चंगो करो हतो। हुआ पर, कछु अंधे कछु अपंग, कछु गूंगा - अउरु बहिरउ हतो। जइसे बोहो हतो। बोलो “दाऊद की सन्तान, हम पर दया करउ,” बरतिमाई फेरि जोर से चिल्लानो। बाकी आवाज उम्मीद भरी गूँजति हती।




4

बरतिमाई कौ एक बात को भरोसो हतो। अगर बाइ अभऊं मदति नाइ मिली, तउ अब दुसरो मउकउ कभंउ नाइ मिलि सकति हइ। शायद यीशु फिर बा रत्ता से कभंउ नाइ अउते।



5

बरतिमाई कौ यीशु के तीर पहुंचिबे हतो। लेकिन लोग हटत नाइ हते। “चुप्प रहउ” उन्ने कही। अउरु उन्ने बाइ शांत रहन की चितउनी तक दई।




6

लेकिन बरतिमाई अब चुप्प नाइ हतो। वउ जोर जोर से चिल्लातइ रोहो। अचानक यीशु रुकि गये! सुनि लौ! अउरु अंधे आदमी कौ उनके तीर लाउन को हुकुमु दौ! लोगन ने बरतिमाई कौ बताई, “खुश रहउ,” “उठउ। वई तुमई बुलाउत हंड।”




7

बाने अपने कटोरा कौ एक तरफ फेंकि दौ, बरतिमाई उठो अउरु यीशु के तीर आओ।



8

यीशु ने पूछी। "हमसे तुम का चाहत हउ कि हम तुमारे लै करई?" तुमारो जवाबु का हइ? का तुम बहुत रुपया या अच्छे नए कपड़ा। मांगत हउ? बरतिमाई का चाहति हतो?




9

नाइ, अंधा बरतिमाई ने सोने या अच्छे कपड़ा यीशु से नाइ मांगे। तुम खुदई जान्त हउ कि वउ का मांगिबो चाहति हतो।




10

"हे प्रभु, हमारी आंखी ठीक करि देउ।" बरतिमाई देखिबो चाहति हतो। वउ पेडेन अउरु चिरइयन अउरु परमेश्वर की बनाइ सब सुंदर कला दिखिबो चाहति हतो। वउ इसलए देखिबो चाहति हतो, कि वउ खुद की देख रेख करि पाबइ अउरु भिखारी ना रहइ।



11

तब यीशु ने बरतिमाई से कही: "फिरि से तेरी आंखी खुली जाइ। तेरे भरोसे ने तोइ ठीक करो हइ।"



12

तुरंतइ वाइ अपनी आंखिन से दिखान लगो, अउरु यीशु के पीछे हुइ लौ। वउ कहति हतो कि "परमेश्वर अद्भुत हइ! बाने हमई ठीक करो हई!" जउ बरतिमाई के लै एकु अद्भुत पलु हतो।



13

सब लोगन ने, जउ सबु देखो, अउरु परमेश्वर की बड़ाई करी। एक दांड फिरि से, उत्रे परमेश्वर के लड़िका की अद्भुत शक्ति कौ देखो। यीशु ने एक गरीब अंधे भिखारी की आंखिन मा रोशनी दइ।




14

यीशु ने अंधे कौ ठीक करो  
परमेश्वर के वचन से बाइबिल की एक कहानी  
में पायी जाती है  
मरकुस १०, लूका १८, यूहन्ना ९

“तुमहोर शब्द के प्रवेश से रोशनी मिलत है।”  
भजन ११९:१३०

15



50



60

16

जो बाइबिल काहानी हमई हमारे अद्भुत परमेश्वर के  
बारे माँ बताउती जिनने हमई बनाओ और जो तुमोह उन्हेई जानो।

परमेश्वर जान्त है हमने बुरे काम करे हैं, जिहने वे पाप कहात हैं। पाप की सजा  
मृत्यु है, लेकिन परमेश्वर प्रेम करते हैं जिन्ने अपनों इक लौतों पुत्र यीशु को भेज  
दौ, क्रूस पर मरन के लें तुम्हरे पापों के लें दण्डित भये। फिर येसु जीवन मां  
वापस आई गये और स्वर्ग के घर मां चले गये। अगर तुम यीशु पर विस्वास करत  
हउ और अपने पापों की छमा मागन के लें उनसे पूछत हो, तो वह ऐसो करी! वो  
अइ और वोह तुम्हारे संग रही और तुम हमेशा उसके संग जीवित रहीओ।

अगर तुम्हे लगत हइ की जा सच हई तौ जा परमेश्वर से कह:  
प्यारे यीशु, हमे विश्वास हइ की तुम इश्वर हो और हमारे पापों के लें मरन  
बाले ब्यक्ति बनी गये हो और अब फिरसे जी उठे हो। कृपया हमारे जीवन म  
आई के हमारे पापों को छमा कर देओ। ताकि हमारो जीवन नओ हुई सके।  
और एक दिन तुम्हारे संग हमेशा के लें बने रहे। हमें आज्ञाकारी बनन  
के लें और तुम्हारी संतान बनन केलिए मदत करो।

बाइबिल पढे और हर एक दिन परमेश्वरी से बातें कराओ! यूहना ३:१६

17